

大明三藏法數卷第三十三

做五

上天竺前住持沙門一如等奉勅集註

佛十種心

出大寶積經

彌勒菩薩白佛言如佛

所說阿彌陀佛極樂世界功德利益若有

衆生發十種心隨一一心專念彼佛是人

命終當得往生也

梵語彌勒華言慈氏梵語阿彌陀華言無量壽

**一無損害心**

念佛之人於諸衆生常起大

慈之心不加損害令得快樂是名無損害

**二無逼惱心**

念佛之人身心安靜於諸

衆生常起大悲之心深加慈傷令得脫苦

是名無逼惱心

**三樂守護心**

念佛之人於

佛所說正法當須不惜身命守護愛惜是

名樂守護心

**四無執著心**

念佛之人常以

智慧觀察於一切法不生執著是名無執

著心

**五起淨意心**念佛之人能離世間雜

染之法復於利養等事常生知足之心是

名起淨意心

**六無忘失心**

念佛之人求生

淨土成佛種智於一切時念念不捨是名

無忘失心

**七無下劣心**

念佛之人常行平

等之心於諸衆生尊重恭敬不生輕慢是

名無下劣心

**八生決定心**

念佛之人不著

世間言論於無上菩提之道深生正信畢

竟不惑是名生決定心

梵語菩提華言道

**九無雜**

**染心**

念佛之人修習功行種諸善根心常

遠離一切煩惱雜染是名無雜染心

**十起**

**隨念心**念佛之人雖觀如來相好而不生

愛著之心於無念中常念彼佛是名起隨

念心

十種方便

出晉譯華嚴經

**一布施方便**

謂修菩薩行

者心無慳吝於身命財悉皆喜捨但欲利

益衆生不求人之恩報是爲布施方便也

**二持戒方便** 謂修菩薩行者堅持禁戒行

頭陀行威儀具足不輕他人於諸塵境心

無染著是爲持戒方便也 梵語頭陀 華言抖擻

**三辱方便** 謂修菩薩行者遠離顛倒瞋恚而

無彼我之想於諸衆生設有橫逆侵加於

已悉能忍受心無所動是爲忍辱方便也

**四精進方便** 謂修菩薩行者於諸梵行即

當捍勞忍苦勇猛無怠其所得法念念思

惟不令忘失是爲精進方便也 梵行即 淨行也

**五禪定方便** 謂修菩薩行者遠離一切五欲

及諸煩惱而於禪定解脫等法銳意修習

求證佛果是爲禪定方便也 五欲者色欲 聲欲香欲味

**六智慧方便** 謂修菩薩行者遠離愚

癡煩惱長養一切功德歡喜愛樂心無厭

足開發慧解成就菩提是爲智慧方便也

**七大慈方便** 謂修菩薩行者運

平等大慈之心利樂一切衆生雖歷塵劫

而不疲厭是爲大慈方便也 劫梵語具云 劫波華言分

**八大悲方便** 謂修菩薩行者雖了知

諸法元無自性而能以平等大悲之心代

一切衆生受諸苦惱雖歷塵劫而不疲厭

是爲大悲方便也 **九覺悟方便** 謂修菩薩

行者以無礙智慧開示一切衆生令其了

悟本有覺性無所疑惑是爲覺悟方便也

**十轉不退法輪方便** 謂修菩薩行者轉無

上法輪化導一切衆生令其依教修學增

長菩提行位不退是爲轉不退法輪方便

也

十行僊 出楞嚴經 **十一地行僊** 謂其服食藥餌能駐

一期之壽而不能輕舉故名地行僊一期從

**一飛行僊**謂其飲食黃精松栢之類生至死也

久而身輕故名飛行僊黃精藥名松栢者謂松栢之葉也

**三遊行僊**謂其以服還丹化形易骨遊戲

人間故名遊行僊還丹者謂神仙九還之丹也

**四空行**謂其乘陰陽動靜調氣固精騰身履空

故名空行僊

**五天行僊**謂其能鼓天池嘍

津液不交世欲故名天行僊天池即口也

**行僊**謂其吞吸日月精華作意存變以延

身命歲久功成遂有異見通世物情故名

通行僊

**七道行僊**謂其能以咒術持身術

力成就故名道行僊

**八照行僊**謂其能繫

念一境澄凝精思積久功成照用顯發故

名照行僊

**九精行僊**謂其內以坎男離女

-11 94 33 445" data-label="Text">

為匹配外即採陰助陽攝衛精氣故名精

行僊

**十絕行僊**謂其存想世間有為功用

運想化理超絕世間故名絕行僊

十魔出華嚴經疏演義鈔魔梵語具云魔羅華言能

奪命謂能奪眾生智慧之命又翻作障能

於修道之人而作障難故也

**一蘊魔**謂色

受想行識五蘊為魔也蓋貪著五蘊之法

起惑造業障礙正道遂失智慧之命是名

蘊魔

**二煩惱魔**謂一切煩惱之惑為魔也

蓋貪著五塵之境起諸煩惱障礙正道遂

失智慧之命是名煩惱魔五塵者色塵聲塵香塵味塵觸塵也

**三業魔**謂一切惡業為魔也蓋殺盜淫

妄諸罪惡業障礙正道遂失智慧之命是

名業魔

**四心魔**謂一切我慢之心為魔也

蓋心懷貢高常生憍慢障蔽正道遂失智

慧之命是名心魔

**五死魔**謂人壽盡命終

為魔也蓋業報已畢捨離現生之處障蔽  
 修道遂失智慧之命是名死魔 **六天魔** 謂  
 欲界第六他化自在天為魔也蓋此天為  
 欲界之主見人修道以為失我眷屬空我  
 官殿即與魔事惱亂行者令人障蔽正道  
 遂失智慧之命是名天魔 **七善根魔** 謂著  
 所修一切善法為魔也蓋修行之人或得  
 一善即生取著之心更不加修由是障蔽  
 正道遂失智慧之命是名善根魔 **八三昧**  
**魔** 梵語三昧華言正定謂著於所得禪定  
 為魔也蓋修禪之人得一三昧久味耽著  
 不求昇進障蔽正道遂失智慧之命是名  
 三昧魔 **九善知識魔** 謂慳吝於法而為魔  
 也蓋於一切諸法起執著心不能開導於  
 他障蔽正道令人遂失智慧之命是名善  
 五

知識魔 **十菩提法智魔** 梵語菩提華言道  
 謂著一切法而為魔也蓋修行之人於菩  
 提之法起智執著堅守不捨障蔽正道遂  
 失智慧之命是名菩提法智魔  
 十種鬼 出楞嚴經 **一淫鬼** 謂此鬼宿因多貪於物  
 非理而取故受此報還託於物即金銀草  
 木等精性也 **二散鬼** 謂此鬼宿因多嫵為  
 色動亂身心如風鼓物故受此報還託於  
 風而成魃鬼也 魃即旱魃 **三魅鬼** 謂此鬼宿因  
 多詐唯憑許偽惑亂於人故受此報託附  
 畜類以成其質即狐狸等精能魅惑人者  
 也 **四蠱毒鬼** 謂此鬼宿因多怨結怨在心  
 懷惡不捨故受此報假託毒類以成其質  
 即蛇虺等毒蟲能蠱於人者也 **五癘鬼** 謂  
 此鬼宿因多瞋心常忿恚故受此報遇人

年灾命衰者便入其身與諸苦惱如癘疫

傳屍骨蒸之類也**六餓鬼**謂此鬼宿因多

慢內無實德空腹高心陵人傲物故受此

報寓氣爲質不逢飲食常困飢虛是名餓

鬼**七魔鬼**謂此鬼宿因多誑常懷異謀詐

現有德欺罔於人故受此報憑虛託暗迷

惑昏睡之人是名魔鬼**八魍魎鬼**謂此鬼

宿因邪見妄生執著自謂明悟故受此報

寓山川以託其形爲木石之恠是名魍魎

鬼**九役使鬼**謂此鬼宿因多枉勞心役思

常行不正撓害無辜故受此報寓明顯境

託以成形而爲擔沙負石走使之類是名

役使鬼**十傳送鬼**謂此鬼宿因爭訟藏覆

已罪爲人所訟故受此報託附於人傳送

吉凶福禍之言是名傳送鬼

十纏出翻譯名義纏者縛也謂一切衆生被此十

法纏縛不能出離生死之苦證得涅槃之

樂也梵語涅槃華言滅度**一慚**慚即慚天謂人於

屏處作諸過惡不自慚耻也**二愧**愧即

愧人謂於人所見處爲諸過非不知羞愧

也**三嫉**嫉者妬也謂見他人榮富心生妬

忌也**四慳**慳者吝也謂人於世間資財及

出世間法財不肯惠施也**五悔**悔者恨也

謂所作之過蒂音茶芥胸臆不能自安也蒂

者謂利類也**六睡眠**睡眠者謂人昏惰不惺常

樂睡眠無所省察也**七掉舉**掉舉者搖動

也謂心念動搖不能攝伏於諸禪觀無由

成就也**八昏沉**昏沉者昏鈍沉墜也謂神

識昏鈍懵然無知不加精進之功遂致沉

墜苦海也**九嗔**嗔忿者恚怒也謂人於

違情之境不順已意便發恚怒而忘失正

念也 **十覆**覆者藏也謂隱藏所作過惡惟

恐人知不能悔過而遷善也

十使 出法界次第使即驅役之義謂此貪等十使

皆能驅役行者心神流轉三界生死也 三界

者欲界色界欲界無色界也 **一貪使**引取之心名為貪謂

於一切物及順情之境引取無厭是為貪

使 **二嗔使**忿怒之心名為嗔謂於一切違

情之境即起忿怒是為嗔使 **三癡使**迷惑

之心名為癡謂於一切事理無所明了妄

生邪見起諸邪行是為癡使 **四慢使**自恃

輕他之心名為慢謂由恃已種姓富貴才

能輕蔑於他是為慢使 **五疑使**迷心乖理

名為疑謂若修戒定等法不別真偽暗鈍

無明猶豫無決是為疑使 **六身見使**謂於

名色陰入界中妄計有身強立主宰恒起

我見是為身見使 陰即色受想行識之五陰也入即眼耳鼻舌身

意六根色聲香味觸法六塵根塵相入故名十二入也界即六根六塵六識之十八

也 **七邊見使**謂於斷常中執斷非常執常

非斷但執一邊是為邊見使 斷常者謂外道妄計此身

死已不生故名斷見後計此身死已後當再生故名常見 **八邪見使**謂

邪心取理不信因果斷諸善根作一闡提

行是為邪見使 梵語一闡提華言信不具 **九身取使**謂

於非真勝法中謬計涅槃心生取著及行

道之時雖入種種觀門而真明未發謬計

所得為真為勝心生取著是為見取使 真勝

法者謂佛之正法為真為勝也梵語涅槃華言滅度真明未發者謂本性之明未顯

也 **十戒取使**謂於非戒中謬以為戒取以

進行如外道妄持鷄狗等邪戒執為正戒

是為戒取使 鷄狗戒者謂外道妄計前世從鷄狗中來即獨立噉糞而

行苦  
行也

十惡

出法界次第

惡即乖理之行謂眾生觸境顛

倒縱此感情於身口意動與理乖成此十

惡也

**一殺生**

殺生者謂自殺亦教人殺斷

害一切眾生之物命也

**二偷盜**

偷盜者謂

竊取他人一切財物也

**三邪淫**

邪淫者謂

非已妻妾而行欲事也

**四妄語**

妄語者謂

好造虛言誑惑他人也

**五兩舌**

兩舌者謂

向此說是向彼說非或向彼說此向此說

彼而使彼此乖諍也

**六惡口**

惡口者謂言

語麤獷毀辱他人令其受惱也

**七綺語**

綺

語者謂乖背真實巧飾言辭令人好樂也

語者謂乖背真實巧飾言辭令人好樂也

**八貪欲**

貪欲者謂於順情之境貪著樂欲

心無厭足也

**九瞋恚**

瞋恚者謂於違情之

境不順已意心生忿怒也

**十邪見**

邪見者

謂撥無因果行邪見道心無正信也

撥者絕也

十習因

出楞嚴經

**一婬習因**

習即數習之義婬習

因者謂婬習交接研磨不休故有火光於

中發動二習交然故有鐵床銅柱八熱地

獄之報也

八熱者想獄黑繩獄摩壓獄叫喚獄大叫喚獄燒炙獄大燒炙

往來計算發於相吸吸攬不止則感於水

積風為寒結水為冰故有寒水地獄之報

也

吸也

**二慢習因**

慢習因者謂慢習交陵

發於相恃憍縱馳騁流逸不止積致惡毒

故有血河毒海灌吞之報也

傲五

**三嗔習因**

嗔

習因者謂嗔習交衝發於相忤故心熱發

火鑄氣為金此業所感故有官割斬斫等

報也

鑄氣為金者謂熱惱不息氣念成堅也官即五刑中之官刑也

**四詐**

習因者謂詐習交誘發於相調詐

詐習因者謂詐習交誘發於相調詐

詐習因者謂詐習交誘發於相調詐

偽之心引起不住此業所感故有杻械鞭

杖等報也調者戲也弄也**六誑習因**誑習因者謂

誑習交欺發於相罔誣罔不止其心飛揚

如風鼓塵使人無見故有騰擲飛墜漂淪

等報也**七冤習因**冤習因者謂冤習交嫌

發於銜恨如陰毒人心懷毒惡此業所感

故有投擲擊射等報也**八見習因**見習因

者謂見習交明邪悟諸業各執已見互相

是非其事發於違拒故有勘問權詐拷訊

推鞠音菊等報也**九枉習因**枉習因者謂枉

習交加發於誣謗如讒賊人逼枉良善此

業發現故感拘押按捺迫感其體瀝漉其

血等報也**十訟習因**訟習因者謂諍訟交

喧其事發於隱覆如鑑照燭不能隱藏故

有業鏡火珠披露宿業對驗等報也

十種見出瑜伽師地論**一薩迦耶見**梵語薩迦耶華

言身見謂於五蘊法上妄生執取計我我

所是名薩迦耶見五蘊者色蘊受蘊想蘊行蘊識蘊也我者謂五

蘊法中強立主宰妄計為我也我所者即五蘊色身等也**二邊執見**謂

外道之人於五蘊身見之中執斷執常隨

執一邊我見增長是名邊執見執斷執常者謂外道

自計我身死已不生名為斷見又計我身死已再生名為常見也**三邪見**謂

外道之人不了四諦因果之法邪心推度

謂無此理因斷滅出世善根是名邪見四諦

因果者苦諦集諦世間因果也滅諦道諦出世間因果也**四見取**謂外

道之人於六十二見一一別計為最為上

為勝為妙堅固取執隨起言說唯此諸實

餘皆虛妄自謂由此見故能得清淨解脫

而得出離是名見取六十二見謂外道人於色受想行識五陰

中每一陰各起四種見則成二十見約過去現在未來三世通而論之則成六十見

以斷常二見而為根  
木搥成六十二見也



謂外道之

人於所受持若戒若禁妄計為最為上為

勝為妙隨起言說唯此諦實餘皆虛妄自

謂由此戒禁能得出離是名戒禁取 **六貪**

**見**謂於欲界色界無色界一切順情之境

耽染取著而起諸見是名貪見 **七恚見**謂

於一切違情之境以忿怒心損他有情及

於他所愛起不饒益於他所不愛而作饒

益是名恚見 **八慢見**謂心生憍慢計已為

勝視他為劣是名慢見 **九無明見**謂於真

實理地無所明了執著邪見是名無明見

**十疑見**謂於諸諦之理心懷猶豫無決定

見是名疑見 諸諦理者謂苦集  
滅道四諦之理也

十惡果報 出華嚴經謂眾生前世造十惡業感餓

鬼畜生地獄三惡道報受是苦盡若生人

依三

十一

中餘業未盡每一惡中復受二種果報故

名十惡果報也 **殺生果報**謂殺生之罪

能令眾生墮三惡道若生人中得二種果

報一者短命二者多病是名殺生果報 **二**

**偷盜果報**謂偷盜之罪亦令眾生墮三惡

道若生人中得二種果報一者貧窮二者

共財不得自在是名偷盜果報 **三邪淫果**

**報**謂邪淫之罪亦令眾生墮三惡道若生

人中得二種果報一者妻不貞良二者不

得隨意眷屬是名邪淫果報 **四妄語果報**

謂妄語之罪亦令眾生墮三惡道若生人

中得二種果報一者多被誹謗二者為他

所誑是名妄語果報 **五兩舌果報**謂兩舌

之罪亦令眾生墮三惡道若生人中得二

種果報一者眷屬乖離二者親族弊惡是

名兩舌果報 **六惡口果報** 謂惡口之罪亦

令眾生墮三惡道若生人中得二種果報

一者常聞惡聲二者言多諍訟是名惡口

果報 **七綺語果報** 謂綺語之罪亦令眾生

墮三惡道若生人中得二種果報一者言

無人信二者語不明了是名綺語果報 **八**

**貪欲果報** 謂貪欲之罪亦令眾生墮三惡

道若生人中得二種果報一者心不知足

二者多欲無厭是名貪欲果報 **九嗔恚果**

**報** 謂嗔恚之罪亦令眾生墮三惡道若生

人中得二種果報一者常被他人求其長

短二者常被於他之所惱害是名嗔恚果

報 **十邪見果報** 謂邪見之罪亦令眾生墮

三惡道若生人中得二種果報一者生邪

見家二者其心諂曲是名邪見果報

十不增長業 出論師地論 **一夢所作業** 夢所作者

謂夢中所為非意思所起亦非身口所作

是為不增長業也 **二無知所作業** 無知所

作者謂無所知覺之人所作之業皆非意

思所起是為不增長業也 **三無故思所作**

**業** 無故思所作者謂身口所作之業非故

意所思而起是為不增長業也 **四不利不**

**數所作業** 不利不數所作者謂不以利養

而作亦不數數而作是為不增長業也 **五**

**狂亂所作業** 狂亂所作者謂癡狂昏亂之

人於身口所作本非故意亦非知覺是為

不增長業也 **六失念所作業** 失念所作者

謂人既失正念即同迷癡凡所作業不由

意地而起是為不增長業也 **七非樂欲所**

**作業** 非樂欲所作者謂凡所作業必從樂

欲心起若其所作既非樂欲是為不增長

業也 **八自性無記業** 自性無記者謂無記

性所作非善因緣亦非不善因緣是為不

增長業也 無記性者謂不善不惡之性也 **九悔所損業** 悔

所損者謂先所作業既生慚愧悔過遷善

其業即損是為不增長業也 **十對治所損**

**業** 對治所損者謂所作業方便對治如嗔

心起時即以慈悲治之其業損減是為不

增長業也

十種說三世 出華嚴經 十種說三世者謂三世各

三乃分九別會別歸摠攝在一念故以一

融九雖九而常一雖一而常九一九無礙

十世圓融經云無量無數劫解之即一念

知念亦無念如是見世間是名十種說三

世也 劫梵語具云劫波華言分別時節 **一過去世說過去**

**世** 謂過去世中說過去世之事也 **二過去**

**世** 說未來世謂過去世中說未來世之事

也 **三過去世說現在世** 謂過去世中說現

在世之事也 **四未來世說過去世** 謂未來

世中說過去世之事也 **五未來世說現在**

**世** 謂未來世中說現在世之事也 **六未來**

**世** 說無盡謂未來世中說未來世未來之

後復有未來無窮盡之事也 **七現在世說**

**過去世** 謂現在世中說過去世之事也 **八**

**現在世說未來世** 謂現在世中說未來世

之事也 **九現在世說平等** 謂現在世中說

現在世之事也以現在為平等者例過去

未來之現在前後均齊也 **十現在世說三**

**世** 即一念謂世由積念而成故三世各三

而成九世攝九世歸三世攝三世即一念

而成九世攝九世歸三世攝三世即一念

故合論云十世古今始終不離於當念也

粥有十利出摩訶律律云佛住舍衛城時難陀

母作食先飯比丘然後自食復作釜飯逼

上飯汁自飲即覺身內風除宿食頓消由

是多水少米合煎復用胡椒草芰調和以

奉世尊由是佛聽比丘從今日後許食粥

有十種利時世尊即說偈曰持戒清淨人

所奉恭敬隨時以粥施十利饒益於行者

色力壽樂辭清辯宿食風除饑渴消是名

為藥佛所說欲生人天常受樂應當以粥

施眾僧梵語難陀華言善歡喜  
**一資色**謂資益身軀

顏容豐盛故云資色  
**二增力**謂補益在羸

增長氣力故云增力  
**三益壽**謂補養元氣

壽筭增益故云益壽  
**四安樂**謂清淨柔軟

食則安樂故云安樂  
**五辯說**謂滋潤喉吻

論議無礙故云辯說  
**六除風**謂調和通利

風氣消除故云除風  
**七消宿食**謂溫暖脾胃

胃宿食消化故云消宿食  
**八辭清**謂氣無

凝滯辭清揚故云辭清  
**九除饑**謂適充

口腹饑餒頓除故云除饑  
**十消渴**謂喉吻

雷潤渴想隨消故云消渴

飲酒十過出四分律  
**一顏色惡**謂飲酒之人顏

貌容色因此變常無有善相也  
**二下劣**謂

飲酒之人威儀不整動止輕薄人所賤惡

也  
**三眼視不明**謂恣飲狂癡瞻視昏瞶而

色境莫辨也晉音務目不明也  
**四現嗔恚相**謂醉

酒之人行不善法不顧親屬賢善恣肆忿

怒也  
**五壞田業資生**謂恣飲放逸破費產

業資財散失也  
**六致疾病**謂飲酒過度身

體失調以致疾病也  
**七益闕訟**謂醉酒發

狠與人爭競不惜身命而鬪訟益增也

**惡名流布** 謂耽飲縱恣棄捨善法而醜名

惡聲遠近流布也 **九智慧減少** 謂飲酒昏

迷狂駭 語駭切 愚癡而智慧減少也 **十命終**

**墮惡道** 謂朋狎飲酒善行不修惡業日增

命終之後而墮惡道也

食肉十過 出法苑珠林 **一衆生是已親** 謂一切衆

生輪迴五道互相生育遞爲眷屬以是因

緣今所食肉無非親者故云衆生是已親

五道者天道人道餓鬼道畜生道地獄道也 **二見生驚怖** 謂一

切衆生護身惜命與人無別若見食肉之

人驚怖遠離故云見生驚怖 **三壞他信心**

謂世間行善之人見沙門食肉者即生毀

謗而言佛法中無有真實沙門修梵行者

故云壞他信心 梵語沙門華言勤息梵行即淨行也 **四行人**

**不應食** 謂菩薩爲求出離生死當修慈悲

之行少欲知足若其食肉則不能出離故

云行人不應食 **五羅刹習氣** 梵語羅刹華

言速疾鬼習氣者先世餘習氣分也謂沙

門宿世曾作羅刹眷屬今雖出家佛法

中由昔餘習見食肉者歡喜親近故云羅

刹習氣 **六學術不成** 謂學道之人若好食

肉則污染梵行於如來無上聖道出世解

脫不得成就故云學術不成 **七生命同已**

謂學道之人應起慈心諦觀一切衆生惜

命畏死與已無別須當護惜故云生命同

已 **八天聖遠離** 謂食肉之人諸天聖人悉

皆厭惡遠離而不親近故云天聖遠離 **九**

**不淨所出** 謂一切畜生宿因不淨之業以

成不淨之身其所食噉又多不淨學道之

人欲修梵行而食彼肉則亦不淨故云不

淨所出 **十死墮惡道** 謂食肉之人必多害

物命惡業日積是以命終之後應生惡道

故云死墮惡道 惡道即餓鬼畜生地獄三惡道也

十大數 出華嚴經 十大數者華嚴經阿僧祇品心

王菩薩問佛云何阿僧祇乃至不可說不

可說佛即為說算數無盡之法積成十種

大數也然數法有三等一下等數法十十

變之即一變十十變百百變千千變萬等

也二中等數法百百變之即一百洛義為

一俱胝等也三上等數法倍倍變之即俱

胝俱胝為一阿庾多等也此之數法唯佛

能了故佛自說算數之法無窮無盡以算

諸佛清淨功德及菩薩所入諸行願海乃

至世間一切無盡法也 梵語洛又華言十萬梵語俱胝華言

百億梵語阿庾多亦云即由他華言萬億 **一阿僧祇** 梵語阿僧

祇華言無數謂從一百洛義為一俱胝乃

至至至為一阿僧祇也 至至者數也 **一無量** 謂

從阿僧祇阿僧祇為一阿僧祇轉阿僧祇

轉阿僧祇轉為一無量也 **二無邊** 謂從無

量無量為一無量轉無量轉無量轉為一

無邊也 **四無等** 謂從無邊無邊為一無邊

轉無邊轉無邊轉為一無等也 **五不可**

謂從無等無等為一無等轉無等轉無等

轉為一不可數也 **六不可稱** 謂從不可數

不可數為一不可數轉不可數轉不可數

轉為一不可稱也 **七不可思** 謂從不可稱

不可稱為一不可稱轉不可稱轉不可稱

轉為一不可思也 **八不可量** 謂從不可思

不可思為一不可思轉不可思轉不可思

轉為一不可量也 **九不可說** 謂從不可量不可量為一不可量轉不可量轉不可量轉為一不可說也 **十不可說不可說** 謂從不可說不可說為一不可說轉不可說轉不可說轉為一不可說不可說也

佛十一持 出華嚴經并華嚴經疏 **佛持** 謂如來色相

之身住持世間能令眾生佛種不斷是名佛持 **二法持** 謂如來法性之法住持世間

能令眾生法種不斷是名法持 **三僧持** 謂如來應化菩薩聖僧住持世間能令眾生

僧種不斷是名僧持 菩薩梵語具云菩提薩埵華言覺有情

**四業持** 謂如來見諸眾生造作惡業故現威猛勢力逼令修善如無厭足王假現惡

業之行化諸眾生是名業持 無厭足王者十三卷中第十七善知識也善財見王現威猛勢將諸罪人或斷手足或以湯煮火

梵作諸惡業謂伏眾生是也 **五煩惱持** 謂如來見諸眾

生行於邪行貪著煩惱故隨彼類示行貪欲如婆須蜜多女假行欲事令他入於三

昧而斷煩惱是名煩惱持 婆須蜜多女即卷中第二十五善知識也梵語三味華言正定 **六時持** 謂如來最

初發心之時菩提大願而為其體時時潤

澤無有間斷是名時持 梵語菩提華言道 **七願持**

謂如來往昔因中發大誓願修諸功德持令不失是名願持 **八供養持** 謂如來往昔

修行之時以諸供具持奉十方如來而為

供養是名供養持 卷五 **九行持** 謂如來往昔勤

修一切殊勝妙行無量無邊恒不厭足是名行持 **十劫持** 劫梵語具云劫波華言分

別時節謂如來於無量劫中具修梵行功德而證道果住持經劫化諸眾生是名劫

持 **一** 謂如來行滿功圓證得一切

種智復以智慧辯才說種種法調伏衆生

不令退失是名智持 一切種智者謂知一切道知一切種即佛也

月有十一事喻如來 出大涅槃經

**一能破暗** 謂月

盛滿之時清光普照能使一切大地悉皆

明朗猶如來種種說法能破一切衆生無

明大闇也 **二令見道非道** 謂月盛滿之時

普照大地凡是路非路令諸衆生悉皆明

見猶如來說法開示正道邪道人悉分別

而知其可行不可行也 **三令見道邪正** 謂

月盛滿之時普照大地凡路之邪正險夷

令諸衆生皆悉明見猶如來開示生死邪

險之途令趨涅槃平正之道也 梵語涅槃華言滅度

**四除鬱蒸得有涼** 謂月盛滿之時雖遇炎

暑鬱結蒸熱其或對之自覺清涼之氣襲

人猶如來說法令人悉能遠離貪欲瞋恚

愚癡生死之苦而獲涅槃清涼之樂也 **五**

**破壞螢火高心** 謂月盛滿之時一切山河

大地無不普照而螢火之光悉皆不現猶

如來出世正法昭著一切外道邪見光明

悉皆破壞也 **六息盜賊想** 謂月盛滿之時

一切幽暗無不朗耀盜賊竊取之想自然

屏息猶如來說法令諸衆生破無明暗一

切煩惱皆不復生也 **七除畏懼心** 謂月

盛滿之時一切幽暗無不照燭令諸曠野

夜行之人惡獸出沒悉能明見而無怖畏

之心猶如來說法開示衆生正見煩惱蓋

障悉皆除滅也 **八開敷優鉢羅華** 梵語優

鉢羅華言青蓮謂月盛滿之時其光照故

華乃開敷猶如來說法開示明了一切衆生所有心花悉皆敷榮也

**九合蓮華**謂月

盛滿之時其光照故蓮華開而復合猶如來說法開示明了衆生五欲覆蓋之心不

令發起也

五欲者色欲聲欲香欲味欲觸欲也

**十發行人進**

**十一**

謂月盛滿之時一切道路邪正夷險

悉皆明白行者之心歡喜前進猶如來說法開示明了令諸衆生勇猛進修趣向大

涅槃之道也

**十一令衆生樂**

謂月盛滿

之時令人賞翫生娛樂心猶如來說法開示明了令諸衆生修習禪定破諸煩惱而

得解脫之樂也

師子吼喻十一事

出涅槃經

如來說法每以師子

吼爲喻者蓋表如來於大衆中無畏而說

有此十一事也

**破壞詐師**

謂如來無

畏宣說正法則彼邪魔外道之說自然摧破猶真師子王震吼則彼詐作師子者自

失聲矣

**三令自身**

謂如來無畏說法以

示如實智用通達一切了了分明無有能壞亦無能勝猶師子震吼亦欲試其自身

之力也

**三令住淨處**

謂如來無畏說法專

爲開示一切衆生令知諸佛所行清淨境界猶師子震吼而自振其尾令所住之處

除去塵垢而得清淨也

**四令諸子知處所**

謂如來無畏說法專爲開示一切邪見衆

生反邪向正有所歸依猶師子震吼亦令

諸子知其所住之處也

**五令群輩無怖**謂

如來無畏說法爲令一切衆生出離生死而無怖畏猶師子震吼亦令群輩無怖心

也

**六眠者得覺悟**

謂如來無畏說法爲令

一切衆生爲無明迷惑之所覆障者悉皆

開曉猶師子震吼令群輩睡眠皆得覺悟

也 **謂如來無畏說法爲**

令一切衆生守護身語心不放逸若有行

惡法者悉知慚愧而生悔心猶師子震吼

令一切諸獸皆不放逸也 **謂如來無畏說法爲**

謂如來以無畏力宣說正法爲欲開示一

切邪見衆生悉令正信不爲外道所惑猶

師子震吼能令諸獸離彼窟穴悉來依附

也 **謂如來無畏說法亦爲破**

壞富蘭那等憍慢之心令其調伏而生正

信猶師子震吼調伏大香象也 梵語富蘭那無翻外

道 **謂如來無畏說法爲令聲**

聞緣覺自耻小乘之證而向慕大乘之道

猶師子震吼教告子息令其跳躍增進勇

猛也 **十一莊嚴眷屬** 謂如來無畏說法教

諸菩薩發廣大心圓滿十力亦令四部離

諸邪見不生怖畏猶師子震吼而自莊嚴

其眷屬也 十力者一非處非處智力二通

現未來業報智力三諸禪解脫

三昧智力四諸根勝劣智力五種種解脫

力六種種界智力七一切至處道智力八

天眼無礙智力九宿命無礙智力十永斷

習氣智力也四部者比丘比丘尼優婆塞

優婆塞也

十一智 出大般若經 **世俗智** 謂世間有漏之智

不能出離生死故名世俗智亦云名字智

謂但有其名而無其理也 有漏者謂漏落

**二法智** 謂欲界苦集滅道四諦下苦法等

無漏之智能斷欲界見惑煩惱故名法智

無漏者謂不漏落三界生死也見

惑者謂意根對法塵起諸分別也 **三類智**

謂色界無色界四諦以欲界四諦比類而

觀從是斷上二界見惑發苦類等無漏之

智故名類智 **四苦智** 苦即逼迫之義謂觀

五陰等法以無常苦空無我得無漏智故

名苦智 五陰者色陰受陰想陰行陰識陰也無常者謂五陰之身終歸壞滅也苦謂此身受生死逼迫等苦也空者謂此身由四大假合而成畢竟不有也無我者謂四大各離

何者是我也 **五集智** 集招集之義謂觀

見思煩惱之因而能招集生死之果得無

漏智故名集智 見思者見即見惑也思謂眼等五根對色等五塵起

煩惱得無漏智故名滅智 **七道智** 道即能

通之義謂戒定慧之道能通至涅槃依此

而修得無漏智故名道智 梵語涅槃華言滅度 **八他**

**心智** 謂知欲界色界現在心心所法及知

無漏心心所法故名他心智 心心所法者所即受想行等也 **九盡智** 謂我見苦已斷集已證

滅已修道已如是念時得無漏智故名盡

二十三

智 **十無生智** 謂我見苦已不復更見我斷

集已不復更斷我證滅已不復更證我修

道已不復更修如是念時得無漏智故名

無生智 **十一如實智** 謂於一切法如實正

知無有罣礙是佛之智故名如實智

十一善 出成唯識論 **信** 信者謂於一切善法恐

可樂欲而不疑也有三種一信實有謂於

諸法實事理中深信恐故二信有德謂於

三寶真淨德中深信樂故三信有能謂於

世間出世間一切善法深信力故能得能

成起希望故是名為信 三寶者佛寶法寶僧寶也 **二慚**

慚即慚天謂心常知慚崇重賢善恥昔過

惡則能對治無慚息諸惡行也 **三愧** 愧即

愧人謂心常知愧不為暴惡悔昔過非則

能對治無愧息諸惡業也 **四無貪** 謂於五

二十三

二十三

欲順情等境心生厭離無所染著也五欲者色

欲聲欲香欲味欲觸欲也**五無瞋**謂於五欲違情等境

心常忍辱不起忿怒也**六無癡**謂於一切

理事等法明解決了無所迷惑也**七勤**謂

於一切善法精進修習不生懈怠圓滿善

業也**八安**安即輕安謂遠離麤重惱亂及

除障定之法調暢身心轉安適也麤重惱亂即貪

瞋痴等是也障定法即散亂是也**九不放逸**謂精進三業

於所斷之惑所修之善加功勇猛速令成

滿世間出世間一切善法而無放逸也三業

者身業口業意業也世間出世間善法者

天人所修五戒十善名為世間聲聞等所

名出世間也**十行捨**謂精進三業令心

平等寂靜而住一切掉舉昏沉等障悉皆

捨離也掉者動也**十一不害**謂於一切有情衆

生無所損惱不加瞋恚常運慈悲之心拔

其危苦與其安樂也

合九十五種外道為十一宗出華嚴經疏演義鈔宗

即派也謂外道教文傳習西域不出十一

宗而九十五種外道無不盡攝也**一數論**

**師計冥諦生**從數起論名為數論又論能

生數名為數論其造數論及學數論者皆

名數論師計冥諦生者百論云從冥生覺

乃至神我共成二十五諦以前二十四諦

從神我而生依神我為主謂神我常覺明

了常住不壞攝受諸法是故執神我是常

是一是萬物因是涅槃因也二十五諦者

即冥諦也智大諦即覺也我心諦五唯諦

即色聲香味觸也五大諦即地水火風空

也五知根諦即眼耳鼻舌身也五作業根

諦即口手足大便小便也心平等根諦神

我諦神我**二衛世師計六句生**梵語衛世

華言無勝其人在佛前八百年出世時人

以其晝避聲色匿跡山藪夜絕視聽方行  
 乞食有似鵲鷓鳥故名鵲鷓仙人及獲五  
 通遂說論十萬偈謂證菩提便欣入滅六  
 句生者一者實謂諸法體實為德業所依  
 二者德即道德也三者業即作用也四者  
 大有謂實德業同一有也五者同異謂如  
 地望地是同望水即異水火風等亦然六  
 者和合謂諸法和合如鳥飛空忽至樹枝  
 住而不去法亦如是由和合故今有住也  
 五通者足不履地知人心命四  
 眼千里呼名即至石壁無礙也

**自在天生萬物** 塗灰即外道名謂此外道

計欲界第六自在天能生萬物 **四圍陀論**

**師計那羅延天生四姓** 梵語圍陀華言智

論梵語那羅延華言鈎鎖力士謂其骨節  
 鈎鎖而有力也那羅延天能生四姓謂口

生婆羅門兩臂生刹利兩脰生毘舍兩脚  
 生首陀 梵語婆羅門華言淨行刹利梵語  
 具云刹帝利華言田主即王種也  
 梵語毘舍華言商賈  
 梵語首陀華言農人

**安茶論師計本際**

**生** 梵語安茶 無本際者即過去世之初際  
 也謂此外道計世間最初有大水時有大

安茶出生形如鷄卵後為兩段上為天下  
 為地中生一梵天復能出生一切有命無  
 命之物故計梵天是生萬物之主也 **六**

**散來道計物從時生** 謂此外道自見草木

等物有時生花有時生果有時作用或舒

或卷令彼枝條隨時榮枯時雖微細不可

見以此花實等則知有時也 **七方論師計**

**方生人人生天地** 方即四方謂此外道計

四方能生人人能生天地滅後還入於方

也 **八路伽耶計色心法皆極微作** 梵語路

如耶華言順世謂此外道計色心等法皆

從四大極微能生麤色雖是極微其體實

有以世間麤物無常極微之因不壞也四大

者地大木大火大風大也**九口力論師計虛空為萬物**

**四**謂此外道計從空生風從風生火從火

生煖煖生水水生凍堅作地地生五穀五

穀生命命沒還歸虛空也五穀者禾麻黍菽麥也**十**

**宿作論師計苦樂隨業**謂此外道計一切

衆生受苦樂報皆隨宿世本業所作若有

持戒精進受身心苦能壞本業本業既盡

衆苦亦滅衆苦滅故即得涅槃是故計宿

世所作爲一切因也梵語涅槃華言滅度**十一無因**

**論師計自然生**謂此外道計一切萬物無

因無緣皆自然生皆自然滅也

十一色出大乘廣五蘊論色以質礙為義謂眼耳鼻

像五

二十六

舌身無表六種即內色也色聲香味觸五

種即外色也凡有十一種之別焉**一眼**謂

眼根有形質可見故名色也**二耳**謂耳根

有形質可見故名色也**三鼻**謂鼻根有形

質可見故名色也**四舌**謂舌根有形質可

見故名色也**五身**謂身根有形質可見故

名色也**六色**謂眼根所見青黃赤白等色

也**七聲**謂絲竹環珮等聲以其實可聽聞

故名色也**八香**謂梅檀沉水及飲食等香

以其實可嗅聞故名色也**九味**謂甘淡鹹

苦等味以其實可嘗知故名色也**十觸**謂

妙衣上服柔軟細滑等觸以其實有觸對

故名色也**十一無表**無表者謂不可顯示

之色也如四禪天定中色眼中一分淨色

皆不可見不可顯示又如意識緣想過去

種種境界雖無表對想境實見故名無表

色也

四禪天者即色界初禪二禪三禪四禪也一分淨色即眼識也

十一聲

出華嚴經隨疏演義鈔

**一執受大種聲** 執即執

持受即領受謂人於內四大種而有所執

受也而言聲者如手相擊及語言等聲皆

由內四大種而出故名執受大種聲

四大種者

謂人身中地水火風也

**二不執受大種聲** 謂人於外

四大種無所執受而言聲者如風林駛水

等聲皆由外四大而出故名不執受大種

聲 外四大種者謂世間地水火風也

**三執受不執受大種**

**聲** 謂如以手擊鼓等聲手屬執受大種鼓

屬不執受大種故名執受不執受大種聲

**四世所共成聲** 謂世俗之人或因談說或

因問答而成於聲故名世所共成聲 **五成**

**所引聲** 謂諸聖人所說法音皆為引導眾

生出離生死而成於聲故名成所引聲 **六**

**可意聲** 謂歡樂之聲可適其意故名可意

聲 **七不可意聲** 謂愁苦之聲違逆情意故

名不可意聲 **八俱相違聲** 謂不苦不樂之

聲亦不適意亦不違情與前可意不可意

聲相反故名俱相違聲 **九徧計所執聲** 謂

外道於一切法徧計有無及常無常等執

著所說而成於聲故名徧計所執聲 **十**

**言聲** 聖即正也謂見即言見不見言不見

聞即言聞不聞言不聞等此因正直而成

於聲故言聖言聲 **十一非聖言聲** 謂見言

不見不見言見聞言不聞不聞言聞等此

因非正直而成於聲故名非聖言聲

藥師如來十二大願 出藥師如來本願功德經 文殊師利

菩薩白佛言惟願演說諸佛名號及本昔

所發殊勝大願佛言東方過此十恒沙等

佛土之外有世界名淨瑠璃彼土有佛名

藥師瑠璃光如來本行菩薩行時發十二

大願梵語文殊師利華言妙德菩薩梵語

**願**我來世於佛菩提得正覺具云菩提薩埵華言覺有情梵語瑠

時自身光明熾然照耀無量無數無邊世

界三十二相八十種好以為莊嚴我身既

爾令一切衆生如我無異梵語菩提華言

足安平相千輪相手指纖長相手足柔

軟相手足纒網相足眼滿足相足踏高好

相鹿如鹿王相手過膝相馬陰藏相身金

廣相毛乳生青色相身毛上靡相身金色

相身光面各一文相皮膚傍相七處

滿相兩腋滿相身如師子相身端直相肩

圓滿相四十齒相齒白齊密相四牙白淨

相頰車如師子相咽中津液得上味相廣

長舌相梵音深遠相眼色如金精相眼睫

如牛王相眉間白毫相頂肉髻成相也八

十種好者一指爪狹長二手足指圓三手

足各等無差四手足圓滿五筋脉盤結六

兩蹠深隱七行步正直八行步威容齊整

九行步安平十行步有儀十一回身顧視

十二支節殊勝十三骨節文結十四悉輪

圓滿十五隱處妙好十六身支潤滑十七

身吞敦肅十八身支堅固十九身支安定

二形方正二十三臍深右旋二十四臍厚

妙相二十五肌膚勻淨二十六唇色紅潤

九面門圓滿三十舌相長廣三十一鼻發

威震三十二音韻美妙三十三鼻高脣盈

三十四諸齒方整三十五諸牙明潔三十

六目廣清淨三十七眼相脩廣三十八眼

四十一雙眉高朗四十二耳厚脣長四十四

三兩耳相好四十六身分殊勝四十七首髮

廣四十八首髮香潔四十九首髮齊整五

長四十八首髮香潔四十九首髮齊整五

十首髮堅固五十一首髮光滑五十二身

分堅實五十三身體莊嚴五十四諸竅清

淨五十五身力充美五十六身相嚴好五

十七面輪脩廣五十八顏貌舒泰五十九

面顏光澤六十身支嚴淨六十一毛孔出

香六十二面門出香六十三首相妙好六

十四身毛纖柔六十五法音圓辯六十六

頂相高妙六十七指網分明六十八行不

廢地六十九神力自持七十威德遠震七

十一音聲和雅七十二繞繞說法七十三

有情七十六先觀後作七十七相好具足

七十八頂骨堅實七十九

顏容奇妙八十胸膈妙好



願我來世

得菩提時身如瑠璃內外清淨無復瑕垢  
 光明廣大威德熾然身善安住微網莊嚴  
 過於日月若有衆生昏闇及夜莫知方所  
 以我光故隨意所趣作諸事業 **三願** 願我  
 來世得菩提時以無邊無限智慧方便令

無量衆生受用無盡莫令一人有所乏少

**四願** 願我來世得菩提時諸有衆生行異  
 道者一切安立菩提道中行聲聞辟支佛  
 道者皆以大乘而安立之 辟支梵語具云  
辟支迦羅華言

緣 **五願** 願我來世得菩提時若有衆生於

我法中修行梵行此諸衆生無量無邊一  
 切皆得不缺減戒具三聚戒無有破戒起  
 惡道者 三聚戒者攝律儀戒攝  
善法戒攝益有情戒也 **六願** 願我  
 來世得菩提時若有衆生其身下劣諸根  
 不具醜陋頑愚聾盲跛躄身攣背偃白癩

癩狂若復有餘種種身病聞我名已一切  
 皆得諸根具足身分成滿 **七願** 願我來世  
 得菩提時若有衆生諸患逼切無護無依  
 無有住處遠離一切資生醫藥又無親屬  
 貧窮可愍此人若得聞我名號衆患悉除

無諸痛惱乃至究竟無上菩提 **八願** 願我

來世得菩提時若有女人為諸惡之所逼  
 惱厭離女身願捨女形聞我名已轉女人  
 身成丈夫相乃至究竟無上菩提 **九願** 願

我來世得菩提時令一切衆生解脫魔網 以五  
三十一

若墮種種異見稠林悉當安立置於正見  
 次第示以菩薩行門 **十願** 願我來世得菩  
 提時若有衆生種種王法繫縛鞭撻牢獄  
 應死無量災難悲憂煎迫身心受苦此等  
 衆生以我福力皆得解脫一切苦惱 **十一**

願我來世得菩提時若有衆生饑火燒  
身爲求食故作諸惡業我於彼所先以最  
妙色香味食飽足其身後以法味畢竟安  
樂十二願願我來世得菩提時若有衆生  
貧無衣服寒熱蚊蚋日夜逼惱我當施彼  
隨用衣服種種雜色如其所好亦以一切  
寶莊嚴具華鬘塗香鼓樂衆妓隨諸衆生  
所須之具皆令滿足

大明三藏法數卷第三十三